

Enformaziuns y Comunicaziuns



Scora de Musiga: Les iscriziuns ala Scora de Musiga Val Badia por l'ann 2021/2022 pó gní fates cina ai 31.03.2021. I formulars ciafun sön www.musikschule.it sot ala Scora de Musiga Val Badia. Enformaziuns ciafun al numer 0471 847748.

Referat: Le Consèi de Formaziun de Badia y le Sorvisc ai Jogn Val Badia envièia da tò pert al referat online „Pandemie 2021, eine Gesellschaftskrise – JUGEND OHNE BÜHNE“ con le prof. dr. Andreas Conca, coordinadú dal Sorvisc de psichiatria por mituns y jogn de Südtirol. Le referent dará consèis sön co acompagné i jogn y les jones te cösta crisa, co i sostigní psicologicamenter y co evité consequènzes negatives. Le referat vèn tigní ai 17 de merz ales 19:30 sön Zoom (<https://zoom.us/j/99358302460>). Al é debann y an pó to pert denn ete le link.

Nosc daciasa é le cí? (Fil 3,20)



La pandemia dal Corona nes á motü dan i edli nosta vulnerabilité, nosta deblèza y mortalité y á motü en discusciun trepes süghertès, sön chères che i ân costruí nosta vita da vigne dé, fajenn nüsc planns y proiec, tl'economia y te trec d'atri ciamps. Cösta pandemia pó ince ester na ciampanela d'alarm t'en tomp co é dassenn influenzé dales idees de cösc monn. I ponsun ai paraïsc desvalis sön cösc monn desco i paraïsc dles vacanzas, i paraïsc da cumpré ete, i paraïsc fiscai, i paraïsc dal plajèi y devertimont, olache porsones chir la realizaziun de sü dejiders. Porsones vir y laora gonot dassenn, zonza lascé do por podèi se goder chisc paraïsc söla tera. En cunt de cösc á l'apostul Paul scrit racomanaziuns tleres: „N'orede sté a se conformé a cösc monn, mo trasformésse y renovede osc ponsé, ch'i podèise ejaminé y odèi ete ci co é orenté de Dio“ (Rom 12,2).

Cösta „renovaziun de ponsier“ é ma poscibla sce i deslariun nosta odlada y ciarun sora nosta vita sön cösc monn fora y tolun ete la prospetiva dal ater monn, le cí, por che la vita se realisèi te söa plenèza.

Le paraisc ne pón nia fá sö, al toca pa Chèl Bel Dio! Te trepes paraboles á Gejú mostré che le Règn de Dio é na scincunda. Al é le règn dal amur, che i ne podun nia fá o cherié, deache l'amur ciafun ma desco scincunda. Odèi nosc monn fora dla prospetiva dal cí ó dí reconèsce che döt ci co é de cösc monn é dagnora imperfet y passa, deperpo che l'amur resta. „Por sèn romagnel la fede, la speranza y l'amur, chisc trèi; mo le maiú danter chisc é l'amur.“ (1 Cor 13,13). Se sporjun pormez ales porsones y ascutun le scrai dla creaziun co patèsc. Cherium nüsc raporc dal cí enfora, fora dal amur de Chèl Bel Dio!

Fora dla lètra pastorala dal Vèsc Ivo Muser por la Carsèma

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.unitepastorala.org




Plata dla Ploania Al Plan de Mareo San Vigile

Ploan: Signor Klaus Sottsas
E-Mail: klsottsas@rolmail.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann B

28.02.2021 - Secunda Domègna de Carsèma

nr. 14

Maester, al é bun ch'i sun atló. I orun fá sö trèi üces, öna por te, öna por Mosè y öna por Elia.

Dal Vagnele do San Merch 9, 2 - 10

Te chël tomp ²á Gejú tut Pire, laco y Jan sön na pert y i á condüt sön na gran munt, mo ma èi susc. Y al é gnü trasfiguré dan da sü edli; ³sü guanc é gnüs blanc raionc, tan blanc co degün laadú söla tera n'é bun da i fá. ⁴Danló é aparí dan da sü edli Elia y con èl Mosè, y ai baià con Gejú. ⁵Pire ti á dit a Gejú: Maester, al é bun ch'i sun tló. I orun fá sö trèi üces, öna por te, öna por Mosè y öna por Elia. ⁶Mo al ne sâ nia ci ch'al se dijea, cidich'ai ea döt amatis dla tëma. ⁷Spo èl gnü en nio co á lascé tomé söa ombria sön èi, y fora dal nio cherdâ na usc: cösc é mio Fi bunorü; ascutedele! ⁸Canch'ai â spo ciaré encèrch, n'odèi t'en iade plü degügn pa d'èi ater co Gejú. ⁹Dertan ch'ai jea jö dla munt, ti ál proibí da ti cunté a zacai ci ch'ai â odü, cina che le Fi dal Om ne n'ea ressorí dai morc. ¹⁰Cösta parora ti dea da ponsé, y ai se damanâ önn l'ater ci che cösc dea ester: ressorí dai morc.



Parora dal Signur! - Lalt a te, Gejú Crist!

Salm de cösta domègna



I vá por mio tru dan da Idio tla tera dai vis - R

I ea plèn de confidanza
ince ssc'i dijea: I sun dèr a tera.
Ai edli dal Signur ti é preziosa
la mort de söa jont cherdonta. - R

Ah Signur, i sun pö to fant,
to fant sunse, le fi de töa fancela.
Te m'as deslié mies liadöres.
Por te dí iolan òi te porté dant na oferta
y envoché l'ennom dal Signur, mio Dio. - R

Oraziun dal dé



Periun!

Bel Dio, tö s'as racomané
da ascuté to Fi: nudrèscesse
con töa parora y purifichèia
i edli de nosc spirit, ch'i
sunse bognd da conèsce
töa gloria.
Por nosc Signur
y vir y regnèia con te tla
unità dal Spirit Sant,
por düc i secui dai secui.
Amen.

Edema liturgica dai 28.02. ai 07.03.2021		
DOM 28. 08:30	Secunda domëgna de Carsëma <i>s.m. a La Pli</i>	<i>Roman, Silvana, Oswald, Antonia</i>
10:00	Gran Mëssa por dōta la ploania dal ann por +nt Isidor Rindler +nt Edi Pizzinini	<i>oferta por la ploania</i> LAD
18:00	Les Staziuns	
Lön 01. 18:00	<i>Albin, Davide, Teresa</i> S.M. por +nt Tone Rindler +nta Monica Erlacher	DEU
Ded 02. 19:00	<i>Agnese da Prag, Ines, beat Carlo</i> Corona	
Dem 03. 18:00	<i>Cunigunda, Tobia, Friedrich</i> Les Staziuns	
Jöb 04.	<i>Casimir, Rupert - de d'oraziun do vocaziuns</i> Vijita personala te dljia y cortina	
Ven 05. 07:30	<i>pröm vëndres Oliva, Dietmar</i> De mondial d'oraziun dles eres	<i>→ astinonza dla cern</i> LAD
18:00	S.M. dal ann por +nt Paul Palfrader da Jung +nt Cristiano Comploi Les Staziuns	
Sab 06. 17:30	<i>Fridolin, Coleta</i> Corona	
18:00	S.M. prefestia +nt Isidoro Castlunger, Grones - +nt Franco Frenademez +nta Maria Kosta - +nt Josef Kosta	ITA
DOM 07. 08:30	Terza domëgna de Carsëma De de solidarieté por la patronat ACLI-KVW <i>S.M. a La Pli</i>	<i>Perpetua y Felizita, Reinhard</i>
10:00	Gran Mëssa por dōta la ploania dal ann por +nt Feghile Rungger dal Hintner dal ann por +nta Maria Teresa Rungger +nt Silvester Peslalz	<i>oferta por le patronat ACLI KVW</i> LAD
18:00	Les Staziuns	

Passionszeit: Der Weg zum Kreuz. Die Bereitschaft, hineinzugehen in das Leid. Das Leid Jesu, das Leid meiner Nächsten, mein eigenes Leid. Der Mut, dort zu verweilen. In der Hoffnung, dass der Weg zum Kreuz nicht am Kreuz endet, sondern durch das Kreuz hindurchführt. Durch das Leid ins Leben – aus Liebe.

Trëi üces

ól fá sö Pire. Na aziun por nia, ciodi che la porsona umana n'è nia bona da tegnì toch la gloria dal Signur. Emparé da conèsce damí me enstès/sa Pal jiné ne se tratera nia da se tichiné se enstèsc, gnanca da arjunje rendimonc de penitonza, mo da ciafé endò plö liberté por ci co é essenzial. Ci á pa dorada?
Ci é pa emportant por me?
Ci ái pa dessorora?
De ci n'ái pa sorafora tla vita?
Al paia la mëia da mo fá cōstes domandes te deplö seturs dla vita: les trepes piceres cosses te mia ciasa, mi guanc, mi termins, por ci che i dá fora i scioldi ...
Datrai él miú sc'i tēgni cunt por iscrit, por ester bun/a da odēi ete da su/sora mia realté!
Valch iade pói ince damané en/na compagn/a, che mo dá na resposta leala. (Sb)

Ester porsones de speranza

La speranza de Pasca
Le apostul Pire oress se tegnì cōsc momont sön la munt de Tabor. L'esperionza fata enló ti á daorí edli. Ince a nos se vara datrai ensciö: I oressun séi, olache la vita nes porta, ci travert che i án da arjunje. Ince nos se dejdrun momonc, encuntades, co nes condüj dampró a Crist. La trasfiguraziun nes lascia odēi danfora, ci che al sará en iade -la vita eterna pal Signur.
Al é ince en avēi dan dai edli la festa de Pasca. Da Pasca se mostra Crist ai apostui desco le ressorí.
Le Vagnele dla 2a dom. de Carsëma dess nes dé coraje y speranza da jí le tru dla penitonza, por podēi ala fin festejé con plü ligrèza la santa Pasca, la ressorenziun de nosc Signur. (P. J. M. SVD)

Zuspruch

AM SONNTAG

Zweiter Fastensonntag B

Ich lese jeden Abend einen Abschnitt aus der Bibel. Das schenkt mir Ruhe und Gelassenheit – mehr noch: das Gefühl der Geborgenheit bei Gott. Ich kann die Ereignisse des Tages dadurch besser verarbeiten und gewinne Klarheit.

Veronica Carstens



GEBETSMEINUNG
DES PAPSTES FÜR

März

Beten wir darum, das Bußsakrament in neuer Tiefe erfahren zu dürfen, um so die grenzenlose Barmherzigkeit Gottes besser zu verkosten.

Sorvisc dai Ministronc

Lönesc 01/03 (18:00h), Vendres 05/03 (07:30h): Maja Complojer, Melanie Feichter;
Sabeda 06/03 (18:00h): Sofia Castlunger, Andrea Giulio y Nicola Ties;
Domëgna 07/03 (10:00h): Marco Alberti, Mattia Leggio, Jan Paul Promberger

